

明太祖革命武功記

居正

明太祖革命武功記卷十五

湖北蘄春方覺慧纂

征撫遼東元將記

一元遼東之轄區與官制

明大軍既克應昌元將官東

西逃竄一部竄入遼東以納哈出爲領袖一部竄入和林

以王保保爲領袖茲就遼東之區轄與官制言之遼陽等

處行中書省管轄設治所於遼陽其下分遼陽路廣寧府

路大寧路

熱河東寧路

制鮮平安瀋陽路

及水達達合蘭府等路

元史地理志

地行中書省之主要官員爲

丞相一員平章二員左丞一員右丞一員參知政事二員

各路總管府內則有達魯哈赤總衛管同知治中判官等

又遼陽行省轄地分爲東西大抵遼河以東地方屬于遼

東道宣慰使遼河以西

即今之熱河方面

則歸山北道宣慰使治

理之

元史百官志

此外全遼衝要之處各設隸屬兵部之元帥

府萬戶府等而驛道連絡其間交通重要驛站均派人員掌管盤查負維持治安之責

二遼東土官之叛變

元末朝綱廢弛天下漸亂最先發

動叛變者厥爲遼東邊陲吾者野人及水達達皆叛繼之鎖火奴董哈刺反叛當擒斬而吾者野人經數年勦撫始就範焉

元史惠宗本紀

三宋將關先生等竄遼東

元至正十六年宋將劉福通

分兵三道李喜等進兵陝西毛貴等進兵山東關先生破

頭潘等率兵十餘萬進山西入大同掠上都進攻遼陽

元新

史惠宗本

陷遼陽時懿州路總管呂震廣寧路總管郭嘉死之

元遼東諸將國王囊加歹佛家奴也先不花黑驢等合力
圍攻宋軍關先生等于遼陽城宋軍敗北分二股遁走一
軍折回復犯上都一軍南向進略高麗新元史惠宗本紀卷二十六則
遼陽稍爲安謐

四元將各軍所駐遼東之要地庚申君出走上都也速

以餘兵遁棲大寧也先不花駐兵開原洪保保據遼陽哈

刺不花團結兵民於復州劉益亦以兵屯得利羸城高家

奴聚兵於平頂山稽元將所部駐在之地必須先以高家奴之根據地言之前有平頂山後則老

鴉山或遼陽山寨三度出見而三異其地頗費稽考據遼東志卷一山川條云平頂山在城東一百里山週三十里

其頂平曠可耕稼有泉湧出以石入角鰲之其中有魚老鴉山在城東三百里元平章高家奴聚兵于此古蹟條云

老鴉山去遼陽城三百餘里其山四險而內寬洪武初都指揮葉旺攻走元平章高家奴於此平頂山卽今之連山

關北之平頂山老鴉山卽其東北方在今之渾河附近遼東志卷五徐玉傳有征老鴉山寨攻走高家奴追至渾河

此亦說明老鴉山寨距渾河不遠故老鴉山在遼東東方
二三百里不當稱為遼陽山寨至于劉益所據之得利羸
城據明一統志卷二十五與遼東志卷一云有得利羸城
在復州衛東八十里元季土人築之遼兵明史卷一三四
葉旺傳有云初元主北走其遼陽行省參政劉益屯蓋州
與平頂山高家奴相為聲援保金復等州由此觀之則兩
志所云得利羸城在復州而葉旺傳則云在蓋州當以蓋
州為較妥因此則知高家奴也先不花劉益各軍所駐之
地納哈出自江南太平之役被擄放歸因中書左丞相也
先不花之推荐得為遼陽行省丞相是時諸將各置部屬
多則萬餘人少則數千人互相雄長無所統屬于是也先
不花與高家奴納哈出劉益等合兵趨遼陽洪保保拒而
不納諸軍攻破之執洪保保以歸旋釋之遼東志卷八抄本劉
佶北巡私記云納哈出知兵善戰遼東賊皆為所殄所謂
遼東賊者當為宋將關先生等之殘軍餘黨也由是納哈
出集中兵力於金山即今之東遼河北方之懷德境隣吉

林西北接近長春迴山崇嶺環水疊岡據險扼要退則可守進則易攻故其收容元之殘兵二十餘萬勢力雄厚時爲大明之邊患焉

五高麗國王奉明正朔先是元遼陽省平章納哈出及

洪保保等遣使卜顏帖木兒諭高麗國王現大明兵勢甚

盛請悉力備禦

高麗史恭愍王十七年

上以納哈出與高麗國王密

有結合不能逞兵於遼東洪武元年十二月遣符寶郎傑斯奉璽書賜高麗國王書曰自有宋失御天絕其祀元非我類入主中國百有餘年天厭其昏淫是以殞絕其命華夷擾亂十有八年當羣雄初起時朕爲淮右布衣暴兵忽至誤入其中見其無成憂懼弗寧荷天地眷佑授以文武東渡江左習養民之道十有四年其間西平漢主陳友諒

東縛吳王張士誠南平閩粵戡定八番北逐胡君肅清華夏復我中國之舊疆今年正月臣民推戴卽皇帝位定有天下之號曰大明建元洪武惟四夷未報故遣使報王知之昔我中國之君與高麗壤地相接其王或臣或賓蓋慕中國之風爲安生靈而已朕雖不德不及中國古先哲王使四夷懷之然不可不使天下周知餘不多及

實錄卷三十四于

是恭愍王停用元廷之至正年號更奉大明之洪武正朔

東國史略卷六

比遣禮部尙書洪尙載監門衛上護軍李夏生奉

表如金陵賀登極謝恩表曰秉錄膺圖復中國皇王之統體元居正同萬邦臣妾之心景命有歸懽聲旁達皇帝陛下文明邁舜勇智齊湯雷厲風飛集大勲於勘定鼎新革古熙洪號以創垂典章文物之粲然華夏蠻貊之率循臣

邈處東表，顙望北辰，雖未參稱賀之班，愿恆貢薪傾之懇。

高麗史恭愍王十八年春正月

二年四月，遣內臣送高麗流寓人還其國。

以璽書賜其王，顙曰：「去冬嘗遣使至王國，以璽書賜王，比因南徙幽燕之民，其間有高麗流寓者百六十餘人，朕念其人，豈無鄉里骨肉之思？故令有司遣使護送東歸，而內使金麗淵適在朕側，自言亦高麗人，家有老母，久不得見，朕念其情，就令歸省，并護送流寓者還，賜王沙羅各六匹，至可領也。」

實錄卷四十

六、高麗國王感明廷優禮，出兵侵入遼東。

高麗國王以

其國久苦於元軍之積威壓抑，亟謀乘機脫離元軍之羈

絆，遂遣兵侵犯北元之遼東，設萬戶千戶於西京，平義州

靜州，

義州之南

泥城，

昌江界，

滿浦等處，

以固邊防，更以池龍壽爲

西北面元帥兼平壤尹李成桂爲東面元帥進而攻擊東

寧府以斷絕北元此二年八月至十一月事也

高麗史恭愍王本紀

三年正月

恭愍王十五年

李成桂所率之一萬五千軍自東北面

踰黃草嶺雪寒嶺出江界渡鳴綠江攻略天羅山城

今之桓仁

元東寧路府同知李吾魯帖木兒降焉高麗史中曾稱曰

東至皇城北至東寧府西至于海南至鳴綠爲之一空者

卽此役也八月復命池龍壽李成桂等進軍次東寧府十

一月深入遼東攻陷今之遼陽城焉

高麗史卷四十二當高麗將池

龍壽攻遼陽之役擄元平章金伯顏等榜示遠近以招諭

也先不花納哈出等

高麗史池龍壽傳

其在歸途欲定入金州復

州方面之計劃以兵餉不足而引兵還焉故元諸將爲之

大悅

七、上乘高麗攻遼東之機，諭勸納哈出及遼陽官民。三年五月，遣使以書諭納哈出曰：「曩者，天革元命，四海鼎沸，群雄角逐，塗炭生靈。朕以一成之眾，從淮渡江，姑蘇之捷，爾實在焉。時朕未知天命所向，無必取天下之心。凡遇元臣忠於所事者，未嘗不憫其勞而惜其無成也。朕賴天地之靈，將士之心，旌旗所指，靡不服從。今天下已定，南極朱崖，北際燕雲，一時豪傑，順天愛民，悉來歸我。獨河東渠帥擁眾北奔，比之關中諸人，稍爲崛強。然順天愛民，籌算之良，殆不若李思齊矣。大將軍徐達未至吐番，蜂屯蟻聚，復來攻城，戰敗俘擒之餘，有若孤狔，故破竹之勢，直指川蜀雲南六詔。使者相望，交趾占城，萬里修貢。高麗稱藩航海來廷。于是盧龍戍卒登萊浙東，併海舟師咸欲奮迅。」

一造遼瀋朕聞爾總其眾不忍重擾特命使者告以朕意使還不得其要領豈以遼海之遠我師不能至歟抑以朕人謀不決故首鼠兩端歟不然必以曩時來歸未盡賓主之歡謂朕不能虛懷耶何相忘之深也昔竇融以河西歸漢功居諸將之上朕獨不能爲遼東故人留意乎茲遣人再往從違彼此明白以告哲人知幾毋遺後悔又恐遼陽官民弗悉中原之情事未明幼主之北奔復于九月遣事官黃儔齎詔諭之曰朕承天統卽皇帝位其年八月元君遁去山之東西河之南北以及關陝内外文武君臣不戰來歸中原境土一時皆定此實天意非人力也今年五月十五日左副將軍李文忠左丞趙庸率兵北至應昌克其城獲元君之孫買的八里剌及后妃寶冊省院諸官知元

君于四月二十八日，以疾殂。太子愛猷識里達臘，以數騎北奔。天運之去，昭然可知。師還過興州，江文靜等率軍民三萬六千餘人降。至紅羅山，又降楊思祖之眾一萬六千餘人，獨遼陽一隅。故臣遺老，不能見機審勢，高謀遠圖，而乃團結孤兵，盤桓鄉里，因循歲月，上不能輔君於危亾之時，下不能衛民于顛沛之日。進退狼狽，而猶徘徊顧望，如此欲何爲乎？近高麗安南占城爪哇西洋瑣理海外諸國，皆稱臣入貢，是蓋知天命之有歸順人事之當然者也。豈汝之智反不及耶？抑我師之未加姑，以爲可自安耶？茲特遣人往諭，能審知天道，率眾來歸，官加擢用，民復舊業，朕不食言，爾其圖之。

實錄卷五十二

八故元將劉益奉表來歸，旋爲洪保保所害。四年正月，

故元遼陽行省平章劉益以遼東州郡地圖并籍其軍馬
錢糧之數遣右丞董遵僉院楊賢等上表云聖明啟祚實
千載之遭逢遐邇傾心豈一夫之抗越乃改塗而易轍願
效順以投誠伏念臣叨守邊疆忝分戎闔天運既去人力
難爲國破家亡顧孤臣之何託勢窮力屈惟有德之是依
茲益伏遇皇帝陛下道合乾坤量包宇宙陽春弘被于幽
谷大明下燭于覆盆詔諭下頒恩威旁達臣等旣荷剪除
無任歡欣謹遣右丞董遵僉院楊賢航海以朝天望風而
投款休兵待命希洞鑒于愚衷賣劍買牛乞放歸于田里
上覽表嘉其誠遣斷事官吳立賫詔往諭褒獎詔曰曩因
元政不綱羣雄角逐朕起布衣提三尺劍命我中國英豪
削平僭亂撫率黔黎逾二十年天下以定中原無兵革之

虞間者命將出師東征西伐摧強撫順惟欲薄海內外咸
底治安于是識時務者率眾來歸共成大業前遼陽行省
平章劉益能審察時機推誠歸朕以遼東州郡地圖遣右
丞董遵等奉表朝獻朕甚嘉焉雖漢竇融何專前美今特
置遼東指揮使司授爾益同知指揮事爾其恪遵朕意固
保遼民以屏衛疆圉則爾亦有無窮之譽實錄卷六十一先是洪
保保被也先不花等擒而釋之寄身于劉益部下故新降
于明之劉益營中尙存忠于元室之輩因有親元親明兩
派之爭劉益領袖親明派洪保保領袖親元派彼此仇視
互相暗鬥至二月親元派洪保保馬彥翬等共謀殺益張
良佐等親率部下擒彥翬殺之洪保保走納哈出營遼東
之眾因推良佐與房曷權衛事抄本明大事記六月張良佐房曷

等自遼東來朝貢馬并送殺劉益逆黨平章八母知院僧
兒等至京以其事上書于中書省曰、人身殉國爲公自有
公論復仇討罪爲義夫豈私情故指揮同知劉益總持戎
旅鎮撫遼東知天命之有歸遂全師而歛附寵承明詔賜
以印章錫賚有加咸懷無疆蒙設遼東衛治畀之仍典鎮
兵方盡小心遽罹凶禍賴多士之協心執渠魁而就戮乃
推良佐等暫權衛事統率諸軍顧才德之劣微懼弗堪於
負荷況本衛地方遼遠僻處海隅肘腋之間皆爲敵境今
洪保保逃往納哈出營必有搆兵之釁乞留朝廷所遣斷
事吳立鎮撫軍民先將擒到逆臣械送京師右丞相汪廣
洋等奏聞上以吳立張良佐房曷爲遼東衛指揮僉事同
時西部殘虜大將王保保擁護故元幼主雄據和林時擾

邊陲故上對於遼東多用懷柔政策乘劉益被害之後遣使致祭安慰已死者之英魂卽所以收服未附者之人心遂于是月遣馬雲諭祭劉益曰爾昔在遼陽控制一隅能順天道達事機奉圖獻地幡然來歸朕嘉爾誠俾佐武衛安輯一邦方資懷來未附何失防閑遽殞厥身邊城之中失此良將朕甚悲愴茲特遣人諭祭且令有司護送爾之柩歸葬碭山

今之徐碭山

爾其有知歆此至意

實錄卷六十六

九上以水陸兩軍控制遼東仍齎書諭勸納哈出

六月

上以遼東新附人心未安非大爲之防無以固疆圉杜絕侵軼于是乃置北遼都衛指揮使司以馬雲葉旺爲都指揮使總轄遼東諸衛軍馬鎮禦時遼東反側尙多雲等由登萊渡海頓兵金州招降故元參政葉廷秀攻走高家奴

皇明通紀
輯錄卷三

先是高家奴據老鴉山招之不至雲曰高家奴

恃險梗化不舉兵攻之無以示威至是率精銳直抵其塞

擊破之高家奴亾走自後高家奴勢孤詣雲請降納之

遼東

志葉遂進遼東完城郭繕甲兵嚴設守備一方乃安上猶

慮遼東諸雄窺伺命靖海侯吳禎統舟師數萬往戍之禎

由登州取海道運糧至遼東以給軍餉

皇明詠化類編開基卷三

復遣

黃儔齎書諭納哈出曰前者萬戶黃儔回聞將軍威震遼

左英資如是足以保定一方然既往不復君子豈不察歟

昔在趙宋君主天下立綱陳紀黎庶奠安逮至末年權綱

解紐故元太祖興于朔方世祖入主中國此皆天道非人

力所能強爲也元之疆宇非不廣人民非不多甲兵非不

眾城廓非不堅一旦紅巾起于汝潁羣盜遍滿中原其間